

唐書合鈔

唐書卷第十五

本紀十五

憲宗下

元和七年春正月辛酉朔己巳以刑部尙書趙宗儒檢校吏部尙書與元尹山南西道節度使庚午以兵部尙書王紹判戶部事辛未以京兆尹元義方爲鄜州刺史鄜坊丹延觀察使以司農卿李銛爲京兆尹是夜月掩熒惑壬申廢信州永豐縣越州山陰縣衢州盈川縣癸酉振武河溢毀東受降城二月庚寅朔壬辰詔以去秋旱歉賑京畿粟三十萬石其元和六年春賑貸百姓粟二十四萬石並宜放免辛丑尙書省重定左右僕射上

事儀注壬寅以兵部侍郎許孟容爲河南尹辛亥山南  
西道節度使裴玢卒癸丑入蕃使不得與私覲正員官  
量別支給以充私覲舊使絕域者許賣正員官十餘員  
取貨以備私覲雖優假遠使殊非典法故革之敕錢重  
物輕爲弊頗甚詳求適變將以便人所貴緡貨通行里  
間寬恤宜令羣臣各隨所見利害狀以聞三月己未朔  
辛酉以惠昭太子葬罷曲江上巳宴庚午以旱敕諸司  
疏決繫囚夏四月戊子朔癸巳敕天下州府民戶每田  
一畝種桑二樹長吏逐年檢計以聞辛亥鹽鐵使王播  
奏元和六年賣鹽鐵除峽內并鹽外計收六百八十五

萬九千二百貫五月戊午朔庚申上謂宰臣曰卿等累言吳越去年水旱昨有御史自江淮迴言不至爲災人非甚困李絳對曰臣得兩浙淮南狀繼言歉旱方隅授任皆朝廷信重之臣御史非良或容希媚此正當姦佞之臣况推誠之道君人大本任大臣以事不可以小臣言間之伏望明示御史姓名正之典刑上曰卿言是也朝廷大體以恤人爲本一方不稔卽宜賑救濟其饑寒况可疑之也向者不思而有此問朕言過矣絳等拜賀癸亥熒惑近太微右執法六月丁亥朔舒州桐城梅天陂內有黃白二龍自陂中乘風雷躍起高二百尺行六

里入浮塘陂癸巳以金紫光祿大夫守司徒同平章事  
崇文館大學士太清宮使上柱國岐國公杜佑爲光祿  
大夫守太保致仕宜朝朔望佑累表懇請故也已亥月  
近南斗魁第四星鎮州甲仗庫一十三間災兵仗都盡  
王承宗常蓄叛謀至是始懼天罰凶氣稍奪仍殺主庫  
吏百餘人秋七月乙丑以兵部員外郎王涯知制誥乙  
亥制立遂王宥爲皇太子改名恒已卯以新羅大宰相  
金彥昇爲開府儀同三司檢校太尉使持節大都督雞  
林州諸軍事雞林州刺史兼寧海軍使上柱國封新羅  
國王仍冊彥昇妻貞氏爲妃八月丁亥朔新除新羅國

大宰相金崇斌等三人宜令本國準例賜戟戊戌魏博

節度使田季安卒

其子懷諫自稱知軍府事

辛丑廢蓬州宕渠縣甲

辰宣歙觀察使房式卒丙午以蘇州刺史范傳正爲宣

歙觀察使戊申制諸州府五品已上官替後委本道長

官量其才行官業資歷每年冬季一度聞薦其罷使郎

官御史許朝臣每年冬季準此聞薦諸使府參佐檢校

官從元授官月日計如是五品已上官及臺省官經三

十箇月外任與改轉餘官經三十六箇月奏改轉如未

經考便有事故及停替官本限之外更加十箇月卽任

申奏辛亥以左龍武大將軍薛平爲滑州刺史義成軍

節度使

九月京師地震○兩書五行志皆作八月

冬十月乙未魏博三軍舉

其衙將田興知軍州事時田季安死子懷諫年十一爲

副大使知軍府事軍政一決於家僮蔣士則數易大將

軍情不安因田興入衙兵環而刼請興頓仆於地軍衆

不散興曰欲聽吾命勿犯副大使衆曰諾但殺蔣士則

等十數人而止卽日移懷諫於外令朝京師甲辰以魏

博都知兵馬使兼御史中丞沂國公田興爲銀青光祿

大夫檢校工部尙書兼魏州長史魏博節度使

魏博節度使田

興以六州歸於有司

庚戌澧王寬改名憚溪王察改名棕洋王寰

改名忻絳王寮改名悟建王密改名恪

降死罪以下賜文武官子爲父

後者動  
兩轉

以鄭滑節度使袁滋爲戶部尙書十一月丙辰

朔乙丑詔田興以魏博請命宜令司封郎中知制誥裴

度往彼宣慰賜三軍賞錢一百五十萬貫以河陰院諸

道合進內庫物充六州百姓給復一年兼赦管內見繫

囚徒

賜高年孤獨  
廢疾粟帛

及度至魏州田興禮待甚恭仍請度

至六州諸縣宣達朝旨辛未太保致仕杜佑卒東川觀

察使潘孟陽奏龍州武安縣嘉禾生有麟食之麟之來

羣鹿環之光彩不可正視使畫工圖之以獻乙亥以給

事中李逢吉司勳員外郎李巨並充皇太子諸王侍讀

戊寅吏部尙書鄭餘慶請復置吏部考官三員吏部郎



中楊於陵執奏以爲不便乃詔考官韋顗等三人祇考  
及第科目人其餘吏部侍郎自定己卯江西觀察使崔  
芄卒辛巳以前魏博節度副使田懷諫爲右監門衛將  
軍賜宅一區蒨栗等甲申以同州刺史裴堪爲江西觀  
察使十二月丙戌朔以吏部尙書鄭餘慶爲太子少傅  
丙辰案是月無丙辰誤左拾遺楊歸厚以自娶婦進狀借禮會  
院貶國子主簿分司戊戌以京兆尹裴向爲同州防禦  
使己亥魏博奏管內州縣官員二百五十三員請吏部

銓注

八年春正月乙卯朔庚午冊大言義爲渤海國王授祕

書監忽汗州都督辛未制以正議大夫守禮部尙書同  
平章事上柱國扶風郡開國公權德輿守禮部尙書罷  
知政事癸未以山南東道節度使李夷簡檢校戶部尙  
書成都尹劍南西川節度使以戶部尙書袁滋檢校兵  
部尙書襄州刺史山南東道節度使二月乙酉朔辛卯  
田興改名宏正宰相李吉甫進所撰元和郡國圖三十  
卷又進六代畧三十卷又爲十道州郡圖五十四卷酉  
宰相于頔男太常丞敏專殺梁正言奴葉溷中事發頔  
與男季友素服待罪貶頔恩王傳于敏長流雷州錮身  
發遣殿中少監駙馬都尉于季友誑罔公主藏隱內人

轉授凶兄移貯外舍傷風黷禮莫大於茲宜削奪所任  
官令在家修省贊善大夫于正祕書丞于方並停見任  
皆頤之子也捕獲受于頤賂爲致出鎮人梁正言及交  
構權貴僧鑒虛並付京兆府杖死三月甲子以劍南西  
川節度使銀青光祿大夫檢校吏部尙書兼門下侍郎  
同平章事上柱國臨淮郡開國公食邑二千戶武元衡  
復入中書知政事兼崇元館大學士太清宮使辛未上  
以久旱親於禁中求雨是夜澍雨霑足丙子大風壞崇  
陵寢殿鴟尾折門戟六夏四月癸未朔乙酉以容管經  
畧使房啟爲桂管觀察使以開州刺史竇羣爲容管經

畧使丙戌以錢重貨輕出庫錢五十萬貫令兩常平倉收市布帛每段匹於舊估加十之一鄜坊觀察使元義方卒辛卯以將作監薛伾爲鄜坊觀察使乙未長安西

市豕生三耳八足二尾僧鑒虛爲高崇文納賂四萬五

千貫與宰相杜黃裳共引致人永樂縣令吳憑付錢與

黃裳男載敕吳憑配流昭州黃裳崇文已薨歿所用錢

不須勘問杜載釋放

已亥黔中經畧使崔能討張伯靖表乙巳武元衡至自西川

辛

亥賜魏博田宏正錢二十萬貫收市軍糧五月庚申河

中尹張宏靖奏修古舜城

癸亥荆南節度使嚴綬討張伯靖丁丑大隗山崩

六

月辛巳朔時積雨延英不開十五日是日上謂宰臣曰

今後每三日雨亦對來乙酉工部尙書致仕裴佖卒丙

戌以東都留守韓臯檢校吏部尙書兼許州刺史忠武

軍節度使庚寅京師大風雨毀屋飄瓦人多壓死所在

川瀆暴漲行人不通

辛卯渭水溢

辛丑出宮人二百車任從

所適以水災故也壬寅宰臣武元衡李吉甫李絳舊相

鄭餘慶權德輿各奉詔令進舊詩秋七月辛亥朔癸丑

以權德輿檢校吏部尙書東都留守丁卯以振武節度

使李光進爲靈州長史靈武節度使

己巳劍南東川節度使潘孟陽討張

靖伯癸酉命中尉彭中獻修興唐觀壯其規制北距禁城

開複道以通行幸是夜月近五諸侯丁丑新授桂管觀

察使房啟降爲太僕少卿啟初拜桂管啟吏賂吏部主  
者私得官告以授啟俄有詔命中使賚告牒與啟曰受  
之五日矣上怒杖吏部令史罰郎官啟亦卽降之以安  
南都護馬總爲桂管觀察使以江州刺史張勔爲安南  
都護本管經畧招討使鄜坊觀察使薛伋卒八月辛巳

朔

湖南觀察使柳公綽討張伯靖

癸未以蘄州刺史裴行立爲安南都

護本管經畧招討使以張勔耄年也丁亥以司農卿裴  
武爲鄜坊觀察使庚寅詔毀家徇國故徐州刺史李洎  
等一十家子孫並宜甄獎甲午太白近軒轅辛丑以東  
川節度使潘孟陽爲戶部侍郎判度支盧坦爲梓州刺

史劍南東川節度使乙巳廢天武軍併入神策軍

丁未張伯

降

九月庚戌朔丙辰淄青李師道進鶚十二命還之戊

午賜羣臣宴於曲江乙丑詔比聞嶺南五管并福建黔

中等道多以南口餉遺及於諸處博易骨肉離析良賤

難分此後嚴加禁止如違長吏必當科罰淮西吳少陽

獻馬三百匹丙寅詔減死戍邊前代美政量其遠邇亦

有便宜今後兩京關內河南河東河北淮南山南東西

道州府除大辟罪外輕犯不得配流天德五城戊辰以

給事中竇易直爲陝虢防禦使仍賜金紫壬申以恩王

傅于頔爲太子賓客以前朔方靈鹽節度使王佖爲右

衛將軍將相出入翰林草制謂之白麻至祕奏罷中書  
草制因爲例也太常習樂始復用大鼓冬十月庚辰朔  
乙丑癸惑近太微西垣南首星庚寅以湖南觀察使柳  
公綽爲鄂岳蘄沔安黃觀察使辛卯涇原節度使朱忠  
亮卒壬辰汴州韓宏進所撰聖朝萬歲樂譜共三百首  
癸巳以宗正少卿李道古爲黔中觀察使以蘇州刺史  
張正甫爲湖南觀察使丙申以大雪放朝人有凍踣者  
雀鼠多死戊戌以神策普潤鎮使蘇光榮爲涇州刺史  
四鎮北庭行軍涇原節度使翰林學士司封員外郎韋  
宏景守本官以草光榮詔漏叙功勲故也壬寅振武奏



迴紇千騎至鵬鵠泉十一月庚戌朔丙辰以福建觀察使裴次元爲河南尹丙寅以鹽州隸夏州自夏州至豐州初置八驛丁卯以泗州刺史薛謩爲福建觀察使右龍武統軍劉昌裔卒癸酉昭義郝士美奏諸軍就食於臨洺京畿水旱霜損田三萬八千頃十二月庚辰朔以京兆尹李銛爲鄜坊觀察使以代裴武入爲京兆尹辛巳敕應賜王公公主百官等莊宅碾磴店鋪車坊園林等一任貼典貨賣其所緣稅役便令府縣收管敕張茂昭立功河朔舉族歸朝義烈之風史冊收載如聞身歿之後家無餘財追懷舊勳特越常典宜歲賜絹二千匹

春秋二時支給羣臣上表請立貴妃郭氏爲皇后丙戌

以桂管觀察使馬總爲廣州刺史嶺南節度使以邕管

經畧使崔詠爲桂管觀察使庚寅以夔州刺史馬平陽

爲邕管經畧使振武軍亂

振武將楊遵憲反

逐其帥李進賢屠

其家乃以夏州節度使張煦代進賢率兵二千赴鎮許

便宜擊斷丙午以金吾衛將軍田縉爲夏州刺史夏綏

銀節度使以河溢浸滑州羊馬城之半滑州薛平魏博

田宏正徵役萬人於黎陽界開古黃河道南北長十四

里東西闊六十步深一丈七尺決舊河水勢滑人遂無

水患

九年春正月己酉朔乙卯大霧而雪李吉甫累表辭相位不許乙亥張煦入單于都護府誅作亂軍士蘇國珍等二百五十二人二月己卯朔戶部侍郎判度支潘孟

陽兼京北五城營田使丁丑

案是月無丁丑誤

貶前振武節度

使李進賢爲通州刺史監軍路朝見配役於定陵丁未

丁未上下字有一譌

詔以歲饑放關內元和八年已前逋租錢粟

賑常平義倉粟三十萬石丙申賜振武軍絹二萬匹丁

酉月近心大星癸卯制朝議大夫守中書侍郎同平章

事上柱國高邑男李絳守禮部尙書累表辭相位故也

三月己酉朔丙辰雋州地震晝夜八十震壓死者百餘

人庚申妖人梁叔高自廣州來授書與吏部侍郎楊於陵使爲已輔於陵執之以告殺之辛酉以太子少傅鄭餘慶檢校右僕射興元尹山南西道節度使代趙宗儒爲御史大夫丁卯隕霜殺桑召大理卿裴棠棣男損前昭應令杜式方男棕見於麟德殿前各賜緋許尙公主夏四月戊寅朔庚寅詔贈太師咸寧王渾瑊宜配享德宗廟庭五月丁未朔以嶺南節度使鄭絪爲工部尙書庚申移宥州於涇原軍郭下置延恩縣隸夏州觀察使是月旱穀貴出太倉粟七十萬石開六場糶以惠饑民乙丑桂王綸薨

癸酉

以旱免京畿夏稅十三萬石青苗錢

五萬貫六月丙子朔戊寅以天德軍經畧使周懷乂卒  
廢朝一日經畧使廢朝自懷乂始也庚辰以義武軍節  
度副使渾鎬檢校工部尙書兼定州長史義武軍節度  
易定觀察北平軍等使丙戌以左龍武將軍燕重旰爲  
豐州刺史天德豐州西中二受降城都防禦押蕃落等  
使乙未置禮賓院於長興里之北丙申以尙書左丞孔  
瑑爲華州刺史潼關防禦鎮國軍等使壬寅制河中節  
度使張宏靖守刑部尙書同中書門下平章事秋七月  
丙午朔己未以御史大夫趙宗儒檢校右僕射兼河中  
尹河中晉絳慈隰節度使戊辰以太子司議郎杜悰爲

銀青光祿大夫殿中少監駙馬都尉尚岐陽公主閏八月乙巳朔辛酉以河陽節度使烏重胤兼汝州刺史王戌以中書舍人王涯屯田郎中韋綬爲皇太子諸王侍讀己巳加田宏正檢校右僕射賞三軍錢二十萬貫九月甲戌朔以洛州刺史李光顏爲陳州刺史忠武軍都知兵馬使丙戌以山南東道節度使袁滋檢校兵部尚書兼江陵尹荆南節度使以荆南節度使嚴綬檢校司空襄州刺史山南東道節度使己丑月掩軒轅淮西節度使吳少陽卒

新書在閏月丙辰

其子元濟匿喪自總兵柄乃

焚劫舞陽等四縣朝廷遣使弔祭拒而不納

丁亥山南東道節度

使嚴綬忠武軍都知兵馬使李光顏壽州團練使李文通河陽節度使烏重胤討之○案本傳少陽之死亦在九月且討淮西之詔在十月甲子則不應九月先命將也新書少陽之死在閏月丙辰及此丁亥命嚴綬之文疑皆誤

壬寅真臘國朝貢戊戌加河東節度使王鐸檢校

司空同平章事以給事中孟簡爲越州刺史浙東觀察

使贈吳少陽右僕射冬十月甲辰朔

太白書見

丙午金紫光

祿大夫中書侍郎同平章事集賢殿大學士兼修國史

上柱國趙國公李吉甫卒甲寅以刑部員外郎令狐楚

爲職方員外郎知制誥壬戌以忠武軍節度使韓臯爲

吏部尙書以忠武軍節度副使兼陳州刺史李光顏爲

許州刺史忠武軍節度使甲子制朕嗣膺寶位於茲十

年每推至誠以御方夏庶以仁化臻於太和宵衣旰食  
意屬於此今淮西一道未達朝經擅自繼襲肆行寇掠  
將士等迫於受制非是本心思去三面之羅庶遵兩階  
之義宜以山南東道節度使嚴綬兼充申光蔡等州招  
撫使仍命內常侍崔潭峻爲監軍戊辰以尙書左丞呂  
元膺檢校工部尙書東都留守舊例命留守賜旗甲與  
方鎮同及元膺受命不賜諫官援華汝壽三州例有賜  
居守之重不宜獨闕上曰此三處亦宜停賜十一月甲  
戌朔甲申以吏部尙書韓臯爲太子賓客

戊子罷京兆府獵獻狐兔

甲午以御史中丞胡証爲單于大都護振武麟勝節度



使丁酉太子太傅范希朝卒戊戌以中書舍人裴度爲  
御史中丞以左金吾大將軍郭釗檢校工部尙書邠州  
刺史邠寧節度使以職方員外郎知制誥令狐楚爲翰  
林學士十二月甲辰朔詔刑部大理官朔望入對丁未振武節度使  
張煦卒表庚戌張宏端守中書侍郎辛亥邠寧節度使檢校右僕射  
閻巨源卒癸丑兵部尙書王紹卒己未右羽林統軍孟  
元陽卒丙寅太子少保趙昌卒戊辰制以中大夫守中  
書右丞上騎都尉賜紫金魚袋韋貫之本官同中書門  
下平章事

十年春正月癸酉朔乙酉宣武軍節度使韓宏守司徒

同平章事如故丙申嚴綬率師次蔡州界己亥制削奪  
吳元濟在身官爵庚子桂管奏移富州治於故城二月  
癸卯朔甲辰嚴綬軍爲賊所襲敗於磁邱退守唐州田  
宏正子布韓宏子公武各率師隸李光顏討賊自冬不雨至於  
是月丙午雪辛亥以禮部尙書李絳爲華州刺史潼關防禦

鎮國軍等使壬戌河東防秋將劉輔殺豐州刺史燕重

旰劉輔已巳以羽林將軍李彙爲涇原節度使三月壬

伏誅

申朔以右金吾將軍李奉仙爲豐州刺史天德軍西城  
中城都防禦使己卯以劍南西川節度行軍司馬李程  
爲兵部郎中知制誥乙酉以虔州司馬韓泰爲漳州刺

史永州司馬柳宗元爲柳州刺史饒州司馬韓曄爲汀  
州刺史朗州司馬劉禹錫爲播州刺史台州司馬陳諫  
爲封州刺史御史中丞裴度以禹錫母老請移近處乃  
改授連州刺史贈故太常卿崔邠爲禮部尙書夏四月  
甲辰李光顏破賊於南頓辛亥盜焚河陰轉運院凡燒錢  
帛二十萬貫匹米二萬四千八百石倉室五十五間坊  
院兵五百人營於縣南盜火發而不救呂元膺召其將  
殺之自盜火發河陰人情駭擾壬戌以長安縣令徐俊  
爲邕管經畧使五月辛未朔辛巳御史中丞裴度兼刑  
部侍郎時度自淮西行營宣慰還所言軍機多合上旨

故以兼官寵之丙申李光顏大破賊於時曲自徵兵討賊凡十餘鎮之師環於申蔡未立戰功裴度使還奏曰臣觀諸將惟光顏見義能勇必能立功至是告捷京師相賀上尤賞度之知人六月辛丑朔癸卯鎮州節度使王承宗遣盜夜伏於靖安坊刺宰相武元衡死之又遣盜於通化坊刺御史中丞裴度傷首而免是日京城大駭自京師至諸門加衛兵宰相導從加金吾騎士出入則轂絃露刃每過里門訶索甚誼公卿持事柄者以家僮兵仗自衛武元衡死數日未獲賊兵部侍郎許孟容請見秦曰豈有國相橫屍路隅不能擒賊因灑泣極言

上爲之憤歎

戊申

乃詔京城諸道能捕賊者賞錢萬貫仍

與五品官敢有蓋藏全家誅戮乃積錢三萬貫於東西

市京城大索公卿節將複壁重櫟者皆搜之庚戌神策

將軍王士則王士平以盜名上言且言王承宗所使乃

捕得張晏等八人

新書武元衡傳十八人

誅之乙丑制以朝議郎

守御史中丞兼刑部侍郎飛騎尉賜紫金魚袋裴度爲

朝請大夫守刑部

新書中書

侍郎同中書門下平章事秋七

月庚午朔靈武節度使李光進卒辛未以神策軍長武

城使杜叔良爲朔方靈鹽定遠城節度觀察使甲戌詔

成德軍節度使王承宗自滌瑕疵累加獎拔列在藩維

之任待以忠正之徒謂懷君父之恩克勵人臣之節而動思棄命恣逞非心傲狠反常橫辱無畏以其先祖嘗立忠勲每念含容庶聞悛革曾不知陰謀逆狀久則逾彰凶德禍機盈而自覆乃敢輕肆指斥妄陳表章潛遣姦人內懷兵刃賊殺元輔毒傷憲臣縱其凶殘無所顧望推窮事迹罪狀昭明周覽讞詞良用驚歎宜令絕其朝貢其所部博野樂壽兩縣本屬范陽宜却隸劉總駙馬都尉王承系太子贊善王承迪丹王府司馬王承榮等並宜遠郡安置先是承宗上表怨咎武元衡留中不報又肆指斥上使持其表以示百官羣臣皆請問罪丙

戊涇原節度使李彙卒以將作監王潛爲涇州刺史四鎮北庭涇原節度使乙未以京兆尹裴武爲司農卿以捕賊弛慢故也八月己亥朔日有食之丙寅

丙寅上下字有一譌

訶陵國遣使獻僧祇幢及五色鸚鵡頻迦鳥并異香名寶丁未淄青節度使李師道

將皆嘉珍

陰與嵩山僧圓淨謀

反勇士數百人伏於東都進奏院乘洛陽無兵欲竊發

焚燒宮殿而肆行剽掠小將楊進李再興告變留守呂

元膺乃出兵圍之賊突圍而出入嵩岳山棚盡擒之訊

其首僧圓淨主謀也僧臨刑歎曰誤我事不得使洛城

流血

乙丑李光顏及吳元濟戰於時曲敗績

九月癸酉以宣武軍節度使

韓宏充淮西行營兵馬都統丁酉以太子賓客韓臯爲

兵部尙書冬十月庚子始析山南東道爲兩節度以戶

部侍郎李遜爲襄州刺史襄復郢均房節度使以右羽

林將軍高霞寓爲唐州刺史唐隨鄧節度使刑部尙書

權德輿奏請行用新刪定敕格三十卷從之壬子以太

子賓客于頔爲戶部尙書是月地震十一月戊辰詔出內庫

繒絹五十五萬匹供軍壬申李光顏烏重胤及吳元濟戰於小澗河敗之乙亥

以山南東道節度使嚴綬爲太子少保丁丑李文通敗吳元濟於岡始

戊寅盜焚獻陵寢宮詔發振武兵二千會義武軍以討

王承宗十二月壬辰夜太白犯鎮星天文志無甲辰李愿武寧



軍都押衙王智興擊敗李師道之衆九千戰於平陰斬首二千級王

子東都留守呂元膺請募置山河子弟以衛宮城甲寅

越州復置山陰縣庚申新造指南車記里鼓車出宮人

七十二人置京城寺觀有家者歸之乙丑河東節度使

王鐸卒是歲渤海新羅奚契丹黑水南詔牂牁並遣使

朝貢丹王逾薨○案丹王逾兩書紀傳皆云元和十五年薨此誤

十一年春正月丁卯朔以宿師於野不受朝賀己巳以

中書侍郎同平章事張宏靖檢校吏部尙書兼太原尹

北都留守河東節度使乙亥幽州盧龍軍節度使劉總及王承宗戰於武强敗之戊

寅詔羣臣曰今用兵已久利害相半其攻守之宜罰宥

之要宜各具議狀以聞庚辰翰林學士錢徽蕭俛各守

本官以上疏請罷兵故也癸未削奪王承宗在身官爵

所襲封邑賜武俊子金吾將軍士平令河東河北道諸

鎮加兵進討免鄰賊州二歲稅甲申盜斷建陵門戟四十七竿

甲子案是月無李光顏奏破賊二月庚子王承宗焚蔚州癸卯吐

蕃贊普卒乙巳以中書舍人權知禮部貢舉賜飛魚袋李

逢吉爲門下侍郎同中書門下平章事賜紫金魚袋表之章

貫之爲中書侍郎以內庫絹四萬匹賞幽魏將士甲寅以華州

刺史李絳爲兵部尙書丙辰月掩心戊午南詔蠻酋晟

龍盛卒乙丑地震○三月庚午皇太后崩於興慶宮之

咸寧殿是日羣臣發喪於西宮兩儀殿以宰臣裴度爲  
禮儀使吏部尙書韓臯爲大明宮留守設次於中書省  
辛未敕諸司公事宜權取中書門下處分癸酉分命朝  
臣告哀於天下甲戌見羣臣於紫宸門外廡下己卯以  
宰臣李逢吉充大行皇太后山陵使出內庫緡帛五萬  
匹充奉山陵己丑月近鎮星夏四月壬寅西川節度使  
李夷簡遣使告哀於南詔后喪邊鎮告四夷舊制也庚  
戌貶戶部侍郎判度支楊於陵爲郴州刺史坐供軍有  
闕也乙卯劉總及王承宗戰於深州敗之丁巳以徐宿飢賑粟八萬石己未  
免京畿二歲逋稅五月丁卯夜辰歲二宿合於東井宥州軍亂

逐刺史駱怡

夏綏寧節度使田緝敗之

壬申李光顏破賊於凌雲柵

新書在四月庚子

○

六月

密州海溢

甲辰高霞寓敗於鐵城

退保新興柵是日人情悚駭宰相奏對多請罷兵上曰

勝負兵家常勢不可以一將失利便沮成計今但議用

兵方畧朝廷庶務制置可否耳是夜月掩心後星庚戌

田宏正軍討王承宗次於南宮辛酉羣臣上大行皇太

后諡曰莊憲秋七月丁丑貶隨唐節度使高霞寓爲歸

州刺史以河南尹鄭權爲襄州刺史山南東道節度使

以荆南節度使袁滋爲唐州刺史彰義軍節度使申光唐

蔡隨鄧觀察使權以唐州爲理所以華州刺史裴武爲

江陵尹荆南節度使戊寅以隨州刺史楊旻爲唐州刺

史充行營都知兵馬使以滋儒者故復以旻將其兵壬

午宣武軍奏破賊

韓宏及元濟戰於鄆城敗之丙戌免淮西鄰賊州夏稅

八月

甲午

渭水溢

壬寅以宰臣韋貫之爲吏部侍郎罷知政事貫之

以淮西河北兩處用兵勞於供餉請緩承宗而專討元

濟與裴度爭論上前故也戊申容州奏颶風海水毀州

城

西原蠻陷賓蠻二州己未昭義軍節度使鄒士美及王承宗戰於柏鄉敗之

庚申耐莊憲

皇后於豐陵九月丁卯饒州奏浮梁樂平二縣五月內

暴雨水溢失四千七百戶溺死者一百七十人丙子新

除吏部侍郎韋貫之再貶湖南觀察使辛巳貶吏部侍

郎韋顗陝州刺史刑部郎中李正辭金州刺史度支郎  
中薛公幹房州刺史屯田郎中李宣忠州刺史考功郎  
中韋處厚開州刺史禮部員外郎崔韶果州刺史並爲  
補闕張宿所構言與貫之朋黨故也乙酉蔡州軍前奏  
拔凌雲柵冬十月丁巳以刑部尙書權德輿檢校吏部  
尙書兼興元尹山南西道節度使十一月乙丑邕管經  
畧使韋悅克  
賓巒  
二州丙寅幽州劉總加同平章事鄆州李師道加檢校  
司空師道聞拔凌雲柵乃懼僞致款誠故有是命庚午  
以司農卿王遂爲宣州刺史宣歙池觀察使以京兆尹  
李脩爲潤州刺史浙西觀察使以遂脩常歷計司能聚

欽方藉供軍故有斯授壬申敕諸道奏事官非急切不

得乘驛馬

甲戌元  
陵火

丁丑出內庫錢五十萬貫供軍戊寅

夜月犯歲星辛巳命內常侍梁守謙監淮西行營諸軍  
仍以空名告身五百通及金帛付之戊子夜土火合於  
虛危十二月丙午以易州刺史陳楚爲定州刺史義武  
軍節度使丁未以翰林學士工部侍郎知制誥王涯爲  
中書侍郎同中書門下平章事甲寅以閒廐宮苑使李  
愬檢校左散騎常侍兼鄧州刺史唐隨鄧節度使初置  
淮潁水運使運揚子院米自淮陰泝流至壽州四十里  
入潁口又泝流至潁州沈邱界五百里至於項城又泝

流五百里入潞河又三百里輸於鄆城得米五十萬石  
芟一千五百萬束省汴運七萬六千貫己未邕管奏  
黃洞賊屠巖州未央宮及飛龍草場火京畿水害田潤  
常湖衢陳許大水是歲冬雷桃杏花迴鵲韎鞮奚契丹  
牂牁渤海等朝貢

十二年春正月辛酉朔以用兵不受朝賀

丁丑地震

癸未貶

義武軍節度使渾鎬爲循州刺史坐討賊失律也甲申  
貶唐鄧節度使袁滋爲撫州刺史以上疏請罷兵故也  
乙酉夜星見而雨戊子夜彗出畢南長丈餘指西南凡  
三日南近參旗而沒二月壬辰出內庫絹布六十九萬



段匹銀五千兩付度支供軍庚子敕京城居人五家相保以搜姦慝時王承宗李師道欲阻用兵之勢遣人折陵廟之戟焚芻藁之積流矢飛書恐駭京國故搜索以防姦及賊平後得淄青簿領中有賞蒲潼關吏案乃知容姦者關吏也搜索不足以爲防庚申敕宜於許汝行營側近置行郾城以處賊中歸降人戶甲寅鄂岳團練使李道古師攻申州克羅城賊力戰道古之衆大敗三月壬戌昭義郗士美兵敗於栢鄉兵士死者千人戊辰滄州程執恭改名權太常定李吉甫諡曰敬憲度支郎中張仲方非之上怒貶遂州司馬賜吉甫諡曰忠懿丁

丑月犯心後星癸未賊將吳秀琳以文城柵兵三千降

李愬夏四月辛卯

唐鄧隨節度使李愬及吳元濟戰於峭岬山敗之

乙未李光

顏破賊三萬於郾城殺其卒什二三獲馬千匹器甲三

萬辛丑駙馬都尉于季友居嫡母喪與進士劉師服歡

宴夜飲季友削官爵笞四十忠州安置師服笞四十配

流連州于頔不能訓子削階已酉出太倉粟二十五萬

石糶於西市以惠飢民庚戌敕改蔡州吳房縣爲遂平

縣移置於文城柵南新城內閏月丁卯賊郾城守將鄧

懷金與縣令董昌齡以郾城降甲戌渭南

新書五行志河南

雨

雹中人有死者丙子詔權罷河北行營專討淮蔡五月

庚寅朔癸巳隨唐節度使李愬奏敗賊於吳房獲賊將

李祐已亥以尙書左丞許孟容爲東都留守都畿防禦

使時東畿民戶供軍尤苦車數千乘相錯於路牛皆饋

軍民戶多以驢耕已酉作蓬萊池周廊四百間六月已

未朔以衛尉卿程昇爲鹽鐵使代王播時昇爲鹽鐵使

副自江南收拾到供軍錢一百八十五萬以進故得代

播辛酉李愬敗賊於張柴壬戌賊吳元濟上表請束身歸朝時連

破三柵賊勢迫蹙實欲歸朝而制於左右故不果行乙

酉京師大雨舍元殿一柱傾市中水深三尺壞坊民二

千家秋七月戊子朔壬辰詔以定州飢募人入粟受官

及減選超資河北水災邢洛尤甚平地或深二丈甲辰  
戶部尙書于頔請致仕不允嶺南節度使崔詠卒己酉  
敕今後左降官及責授正員官等宜從到任經五考滿  
許量移如未滿五考遇恩赦者從節文處分如犯十惡  
大逆贓賄緣坐奏取進止庚戌以國子祭酒孔戣爲廣  
州刺史嶺南節度使丙辰制以中書侍郎同平章事裴  
度守門下侍郎同平章事使持節蔡州諸軍事蔡州刺  
史充彰義軍節度申光蔡觀察處置等使仍充淮西宣  
慰處置使以朝散大夫守戶部侍郎上護軍賜紫金魚  
袋崔羣爲中書侍郎同中書門下平章事以刑部侍郎

馬總兼御史大夫充淮西行營諸軍宣慰副使以太子  
右庶子韓愈兼御史中丞充彰義軍行軍司馬以司勳  
員外郎李正封都官員外郎馮宿禮部員外郎李宗閔  
皆兼侍御史爲判官書記從度出征詔以鄆城爲行蔡  
州治所八月戊午朔庚申裴度發赴行營敕神策軍三  
百人衛從上御通化門勞遣之度望門再拜銜涕而辭  
上賜之犀帶以河南尹辛祕爲潞州長史昭義軍節度  
使代郝士美以士美爲工部尙書孟簡爲戶部侍郎癸亥  
烏重胤及吳元濟戊辰以同州刺史張正甫爲河南尹  
戰於賈店敗績甲申裴度至鄆城九月丁亥朔戊子出內庫羅綺犀玉

金帶之具送度支估計供軍甲午御史臺奏同制除官承前以名字高下爲班位先後或名在前身在外及到却在舊人之上今請以上日爲先後敕曰名在前上日在後未逾月不在此限行立班次卽宜以敕內前後爲定戊戌劍南東川節度使盧坦卒己亥貶京兆尹竇易直爲金州刺史以鞫獄得賊不實故也辛丑以御史中丞缺爲京兆尹壬寅以湖南觀察使韋貫之爲太子詹事分司乙巳以刑部郎中知雜崔元略爲御史中丞丁未以朝議大夫門下侍郎同平章事李逢吉檢校兵部尙書使持節梓州諸軍事梓州刺史劍南東川節度副

大使知節度事

甲寅李愬及吳元濟戰於吳房敗之

冬十月庚午以撫州

刺史袁滋爲湖南觀察使王申裴度往施口觀板築五

溝賊遽至注弩挺刃將及度而李光顏田布扼其歸路

大敗之是日度幾陷癸酉內出元和辨謗畧三卷付史

館甲戌以淮南節度使檢校左僕射李鄜爲門下侍郎

同中書門下平章事以尙書左丞衛次公代鄜爲淮南

節度使己卯隨唐節度使李愬率師入蔡州執吳元濟

以獻淮西平

新書癸酉此己卯蓋奏到日也

甲申詔淮西立功將士委

韓宏裴度條疏奏聞淮西軍人一切不問宜準元敕給

復二年

免旁州來歲夏稅葬戰士廩其家五年

十一月丙戌朔御興安門

受淮西之俘以吳元濟徇兩市斬於獨柳樹妻沈氏溺入掖庭第二人子三人配流尋誅之判官劉協等七人處斬錄平淮西功隨唐節度使檢校左散騎常侍李愬檢校左僕射襄州刺史山南東道節度襄鄧隨唐復郢均房觀察使加宣武軍節度使韓宏兼侍中忠武軍節度使李光顏河南節度使烏重胤並檢校司空以宣武軍都虞候韓公武檢校左散騎常侍鄜州刺史鄜坊丹延節度使以魏博行營兵馬使田布爲右金吾衛將軍皆賞破賊功也甲午恩王連薨以蔡州鄆城爲澉州析上蔡西平遂平三縣隸焉戊申以淮西宣慰副使刑部



侍郎馬總爲彰義軍節度留後十二月壬戌以彰義軍

節度淮西宣慰處置使門下侍郎同平章事裴度守本

官賜上柱國晉國公食邑三千戶以蔡州留後馬總檢

校工部尙書蔡州刺史彰義軍節度潁潁陳許節度使

丙子以右庶子韓愈爲刑部侍郎表戊寅李鄜至自淮南是歲河

南河北水谷管經畧使楊旻克欽橫潯貴四州

十三年春正月乙酉朔御含元殿受朝賀禮畢御丹鳳

樓大赦天下免元和二年以前逋負賜高年米帛羊酒己丑以文宣王三十

八代孫孔惟晳襲文宣公庚寅敕李師道頻獻表章披

露懇誠宜令諫議大夫張宿往彼宣慰辛亥以禮部尙

書王播爲成都尹劍南西川節度使二月乙亥御麟德

殿宴羣臣大合樂凡三日而罷頒賜有差三月庚寅以

前劍南西川節度使李夷簡爲御史大夫丙申以同州

刺史鄭綱爲東都留守都畿汝防禦使庚子新書戊戌以御

史大夫李夷簡爲門下侍郎同中書門下平章事宰相

李鄴守戶部尙書罷知政事丁未以太子少師鄭餘慶

爲左僕射已酉橫海軍節度使程權以滄景二州歸於有司權朝於京師辛亥詔百司

職田多少不均爲弊日久宜令逐司各收職田草粟都

數自長官以下除留守下屬闕文至銀臺待罪請獻德棣二

州兼入管內租稅四月甲寅王承宗獻德棣二州壬戌前東都留守許

孟容卒庚辰詔復王承宗官爵以華州刺史鄭權爲德

州刺史橫海軍節度德棣滄景觀察使五月乙酉鳳翔

節度使李惟簡卒乙未月近心後星

天文志無

丙申以忠武

軍節度使李光顏爲滑州刺史義成軍節度使以彰義

軍節度使馬總爲許州刺史忠武軍節度使陳許潞蔡觀

察等使戊戌以山南東道節度使李勣爲鳳翔尹鳳翔

隴右節度使辛丑知渤海國務大仁秀檢校祕書監忽

汗州都督冊爲渤海國王丙午以戶部侍郎孟簡檢校

工部尙書襄州刺史山南東道節度使六月癸丑朔日

有食之

癸亥給復德棣滄景四州一年

乙丑湖南觀察使袁滋卒

辛未淮水

溢  
丁丑以滄景節度使鄭程爲邠州刺史邠寧節度使  
出內庫絹三十萬匹錢三十萬貫付度支供軍秋七月  
癸未以新除鳳翔節度使李愬爲徐州刺史武寧軍節  
度使甲申以田宏正檢校司空乙酉詔削奪淄青節度  
使李師道在身官爵仍令宣武魏博義成武寧橫海等  
五鎮之師分路進討辛丑以門下侍郎同平章事李夷  
簡檢校左僕射同平章事揚州長史淮南節度使已酉  
詔諸道節度使先帶度支營田使名者並罷之庚戌以  
左僕射鄭餘慶爲鳳翔尹鳳翔隴右節度使八月壬子  
以中書侍郎同平章事王涯爲兵部侍郎罷知政事戊

午以尙書右丞崔從爲興元尹山南西道節度使甲戌  
太白近左執法乙亥敕應同司官有大功已上親者但  
非連判及勾檢之官并官長則不在迴避改換之限時  
刑部員外郎楊嗣復以父於陵除戶部侍郎遂以近例  
避嫌請出省不從因有是敕丁丑木金水三宿聚於軫  
戊寅前山南西道節度使權德輿卒九月甲申以左衛  
將軍高霞寓爲單于大都護振武麟勝節度使甲辰以  
戶部侍郎判度支皇甫鎛同中書門下平章事依前判  
度支以衛尉卿諸道鹽鐵轉運使程异爲工部侍郎同  
中書門下平章事依前充使是時上切於財賦故用聚

歛之臣居相位詔下羣情驚駭宰臣裴度崔羣極諫不

納二人請退熒惑近哭星

新書天文志乙巳

丁未出內庫絹十

萬匹給東軍冬十月甲寅吐蕃寇宥州壬戌靈武

節度使杜

叔良奏破吐蕃二萬於定遠城癸亥前淮南節度使衛次

公卒甲子平涼鎮遏兵馬使郝玘奏收復原州破吐蕃

二萬是夜月近昴丙子以左金吾衛大將軍薛平檢校

刑部尚書滑州刺史義成軍節度使以義成軍節度使

李光顏爲許州刺史忠武軍節度陳許觀察等使十一

月辛巳朔夏州破吐蕃五萬靈武奏攻破吐蕃長樂州

羅城丁亥以山人柳泌爲台州刺史爲上於天台山採

仙藥故也制下諫官論之不納壬寅以河陽節度使烏

重胤爲滄州刺史橫海軍節度滄景德棣觀察等使丁

未以華州刺史令狐楚爲懷州刺史河陽三城懷孟節

度使十二月

庚戌迎佛骨於鳳翔

辛亥敕左右龍武軍六軍及威

遠營應納課戶共一千八百人衣糧並停仍付府縣收

管戊寅軍前擒到李師道將夏侯澄等四十七人詔並

釋付魏博及義成軍收管要還賊中者則量事優給放

還上顧謂宰相曰人臣事君但力行善事自致公望何

乃好樹朋黨朕甚惡之裴度對曰君子小人未有無徒

者君子之徒則同心同德小人之徒是爲朋黨上曰他

人之言亦與卿等相似豈易辨之哉度曰君子小人觀其所行當自區別矣上曰凡好事口說則易躬行則難卿等旣言之須行之勿空口說度等謝曰陛下處分可謂至矣臣等敢不激勵然天下之人從陛下所行不從陛下所言臣等亦願陛下每言之則行之上頗欣納是歲迴鶻南詔蠻渤海高麗吐蕃奚契丹訶陵國並朝貢

十四年春正月庚辰朔以東師宿野不受朝賀壬午復置仗內教坊於延政里丁亥徐州軍破賊二萬於金鄉迎鳳翔法門寺佛骨至京師留禁中三日乃送詣寺王公士庶奔走捨施如不及刑部侍郎韓愈上疏極陳其



弊癸巳貶愈爲潮州刺史丙申魏博軍破賊五萬於東  
阿辛丑斬前滄州刺史李宗奭於獨柳樹朝廷初除鄭  
權滄州宗奭拒詔不受代旣而爲三軍所逐乃入朝故  
誅之癸卯夜月近南斗魁丙午魏博軍破賊萬人於陽  
穀二月己酉朔以商州刺史嚴謨爲黔中觀察使乙卯  
敕淄青行營諸軍所至收下城邑不得妄行傷殺及焚  
燒廬舍掠奪民財開發墳墓宜嚴加止絕以鎮冀水災  
賜王承宗綾絹萬匹辛酉襄陽節度使孟簡舉鄖鄉鎮  
遏使趙潔爲鄖鄉縣令有虧常式罰一月俸料壬戌田  
宏正奏今月九日淄青都知兵馬使劉悟斬李師道并

男二人首請降師道所管十二州平甲子上御宣政殿受賀己巳上御興安門受田宏正所獻賊俘羣臣賀於樓下庚午制以淄青兵馬使金紫光祿大夫試殿中監兼監察御史劉悟檢校工部尙書滑州刺史義成軍節度使封彭城郡王食邑三千戶賜錢二萬貫莊宅各一區癸酉田宏正加檢校司空同平章事三月己卯朔丁酉上以齊魯初平宴羣臣於麟德殿賜物有差戊子以華州刺史馬總爲鄆濮曹觀察等使己丑以義成軍節度使薛平爲青州刺史平盧軍節度淄青齊登萊觀察等使以淄青四面行營供事使王遂爲沂州刺史沂海

充密都團練觀察等使析李師道所據十二州爲三鎮也庚寅浙西觀察使李翊卒辛卯李師道妻魏氏并男沒入掖庭堂弟師賢師智姪宏弼配流乙未以中書舍人衛中行爲華州刺史潼關防禦鎮國軍等使辛丑上顧謂宰臣曰聽受之間大是難事推誠選任所謂委寄必合盡心及至所行臨事不無偏黨朕臨御以來歲月斯久雖不明不敏然漸見物情每於行爲務欲詳審比令學士集前代昧政之事爲辨謗畧每欲披閱以爲鑒誠耳崔羣對曰無情曲直辨之至易稍懷欺詐審之實難故孔子有衆好衆惡之論浸潤膚受之說蓋以曖昧

難辨故也若擇賢而任之以誠糾之以法則人自  
歸公孰敢行僞陛下詳觀載籍以廣聰明實天下幸甚  
丁未以撫州司馬令狐通爲右衛將軍給事中崔植封  
還制書言通前刺史壽州用兵失律未宜獎用上令宰  
臣諭植以通父彰有功不忍遂棄其子其制方行夏四  
月戊申朔乙卯太白順行近東井天文志無戊午以刑部尙  
書李愿爲鳳翔尹鳳翔隴右節度使丙寅詔諸道節度  
都團練防禦經畧等使所管支郡除本軍州外別置鎮  
邊守捉兵馬者並合屬刺史帶本州團練防禦鎮遏等  
使其兵馬額便隸此使如無別使卽屬軍事其有邊於

谿洞連接蕃蠻之處特建城鎮不關州郡者不在此限  
辛未工部侍郎同平章事諸道鹽鐵轉運使程异卒丙  
子制金紫光祿大夫門下侍郎同平章事兼宏文館大  
學士上柱國晉國公食邑三千戶裴度可檢校左僕射  
兼門下侍郎同平章事太原尹北都留守河東節度觀  
察處置等使五月戊寅朔以刑部侍郎柳公綽充諸道  
鹽鐵轉運使庚辰以楚州刺史李聽爲夏州刺史夏綏  
銀宥節度使丙戌以河東節度使檢校吏部尙書同平  
章事張宏靖爲吏部尙書以忠武軍節度使李光顏爲  
邠寧慶節度使仍以忠武軍六千人赴鎮庚寅以工部

尙書郗士美檢校刑部尙書許州刺史忠武軍節度使

是夜月近心大星

新書天文志丙戌

己亥置臨海監牧命淮南

節度使兼之敕李師古妻裴氏女宣娘於鄧州安置李  
宗奭妻韋氏放出掖庭坐李師道族人籍沒上愍之宥  
以輕典以宣歙觀察使竇易直爲潤州刺史浙西觀察  
使韓宏進助平淄青絹二十萬匹女樂十人女樂還之  
六月丁未朔癸丑以福建觀察使元錫爲宣州刺史宣  
歙池觀察使庚申以戶部侍郎歸登爲工部尙書以鄭  
州刺史裴乂爲福州刺史福建觀察使辛酉敕定州大  
都督府復上州甲子以前兵部尙書李絳檢校吏部尙

書河中尹河中晉絳慈隰觀察使癸酉詔左金吾大將軍胡証充京西北巡邊使所經鎮戍與守將審量利害具事實奏聞秋七月丁丑朔戊寅汴州韓宏來朝

以汴宋毫

潁四州歸於有司

己卯左散騎常侍致仕薛苹卒乙酉夜月掩

心大星己丑羣臣上尊號曰元和聖文神武法天應道皇帝是日御宣政殿受冊禮畢御丹鳳樓大赦天下京畿今年秋稅青苗權酒等錢每貫量放四百文元和五年已前逋租賦並放

賜文武官階勳爵遣黜陟使於天下

甲午韓宏進純

絹二十萬匹銀器二百七十事丁酉以河陽三城懷孟節度使朝議郎使持節懷州諸軍事守懷州刺史兼御

史大夫賜紫金魚袋令狐楚可朝議大夫守中書侍郎

同中書門下平章事

表皇甫鏞守門下侍郎

壬寅以永州刺史韋

正武爲邕管經畧使癸卯以前黔中觀察使魏義通爲

懷州刺史河陽三城懷孟節度使沂州軍亂

沂海將王弁

殺

節度使王遂

新書辛卯

甲辰以棣州刺史曹華爲沂州刺史

沂海充密都團練觀察使乙巳罷晉州防禦使八月丁

未朔己酉制宣武軍節度副大使知節度事汴宋毫潁

等州觀察處置等使開府儀同三司守司徒兼侍中汴

州刺史上柱國許國公食邑三千戶韓宏可守司徒兼

中書令宏堅辭戎鎮故也癸丑以吏部尙書張宏靖檢



校左僕射同平章事汴州刺史宣武軍節度使甲寅於  
襄州穀城縣置臨漢監以牧馬仍令山南東道節度使  
兼充監牧使戊午王承宗加檢校左僕射己未田宏正  
來朝上謂宰臣曰天下事重一日不可曠廢若遇連假  
不坐有事卽詣延英請對崔羣爲殘暑方甚目同列將  
退上止之曰數日一見卿等時雖暑熱朕不爲勞久之  
方罷癸亥宴田宏正與大將判官二百人於麟德殿賜  
物有差戊辰陳許節度使檢校刑部尙書郗士美卒九  
月丙子朔戊寅考功郎中蕭祐進古畫古書二十卷斬  
沂州亂首王弁於東市癸未以國子祭酒李遜檢校禮

部尙書許州刺史忠武軍節度陳許潁蔡觀察使庚寅  
貶右衛大將軍田縉爲衡王傅縉前鎮夏州私用軍糧  
四萬石強取党項羊馬致党項引吐蕃入寇故也甲午  
以太子少師鄭餘慶兼判國子祭酒辛丑以田宏正兄  
相州刺史田融檢校刑部尙書兼太子賓客分司東都  
甲辰以魏博節度使光祿大夫檢校司徒同平章事兼  
魏州長史上柱國沂國公食邑三千戶田宏正依前檢  
校司徒兼侍中賜實封三百戶時宏正三上表乞留闕  
庭不許乙巳上顧謂宰臣曰朕讀元宗實錄見開元初  
銳意求理至十六年以後稍似懈倦開元末又不及中

年何也崔羣對曰元宗少歷民間身經屯難故卽位之初知人疾苦躬勤庶政加之姚崇宋璟蘇頌盧懷慎等守正之輔孜孜獻納故致治平及後承平日久安於逸樂漸遠端士而近小人宇文融以聚斂媚上心李林甫以奸邪惑上意加之以國忠故及於亂願陛下以開元初爲法以天寶末爲戒卽社稷無疆之福也時皇甫鎛以諂刻欺蔽在相位故羣因奏以諷之冬十月丙午朔壬戌安南軍亂安南將楊清殺都護李象古并家屬部曲千餘人皆遇害丙寅以唐州刺史桂仲武爲安南都護潮州刺史韓愈爲袁州刺史是月癸酉吐蕃寇鹽州十一月

乙亥朔以戶部尙書李鄘爲太子賓客東都留守辛卯

靈武大將史敬奉破吐蕃於鹽州城下

戰於瓠蘆河敗之

賜敬

奉實封五十戶賞之丁酉以原王傅鄭權爲右金吾大

將軍充右街使上服方士柳泌金丹藥起居舍人裴潏

上表切諫以金石含酷烈之性加燒鍊則火毒難制若

金丹已成且令方士自服一年觀其效用則進御可也

上怒已亥貶裴潏爲江陵令十二月乙巳朔庚戌國子

祭酒鄭餘慶奏見任文官一品至九品外使兼京正員

官者每月於所請料錢每貫抽十文修國子監從之乙

卯以諫議大夫守中書侍郎同平章事上柱國賜紫金

魚袋崔羣爲潭州刺史兼御史大夫湖南觀察使爲皇甫罇所譖及羣被貶人皆切齒於罇

十五年春正月甲戌朔上以餌金丹小不豫罷元會庚辰鎮冀節度使王承宗奏鎮冀深趙等州每州請置錄事參軍一員判司三員每縣請置令一員從之壬午皇表

甫罇罷度支

以前湖南觀察使崔倭權知戶部侍郎判度支

丙戌沂海四州觀察使府移置於兗州改觀察使曹華爲兗州刺史乙未命邠寧李光顏修築鹽州城此月七日已後晝常陰晦微雨雪夜則清明凡十七日方澄霽丙申月犯心大星光彩相及廢齊州豐齊縣入長清廢

全節縣入歷城廢章邱縣入亭山縣義成軍節度使劉  
悟來朝戊戌上對悟於麟德殿上自服藥不佳數不視  
朝人情恟懼及悟出道上語京城稍安庚子以少府監  
韓瑊爲鄆州刺史鄆坊丹延節度使是夕上崩於大明  
宮之中和殿享年四十三時以暴崩皆言內官陳宏志  
弑逆史氏諱而不書辛丑宣遺詔壬寅移仗西內五月  
丁酉羣臣上諡曰聖神章武孝皇帝廟號憲宗庚申葬  
於景陵

大中三年加諡昭文章  
武大聖至神孝皇帝

史臣蔣係曰憲宗嗣位之初讀列聖實錄見貞觀開元  
故事竦慕不能釋卷顧謂丞相曰太宗之創業如此元

宗之致理如此既覽國史乃知萬倍不如先聖當先聖  
之代猶須宰執臣僚同心輔助豈朕今日獨能爲理哉  
自是延英議政晝漏率下五六刻方退自貞元十年已  
後朝廷威福日削方鎮權重德宗不委政宰相人間細  
務多自臨決姦佞之臣如裴延齡輩數人得以錢穀數  
術進宰相備位而已及上自藩邸監國以至臨御訖於  
元和軍國樞機盡歸之於宰相由是中外咸理紀律再  
張果能翦削亂階誅除羣盜睿謀英斷近古罕儔唐室  
中興章武而已任異縛之聚斂逐羣度於藩方政道國  
經未至衰紊惜乎服食過當閭閻豎竊發苟天假之年庶

幾於理矣

贊曰貞元失馭羣盜箕踞章武赫斯削平嘯聚我有宰  
衡耀德觀兵元和之政聞於頌聲

唐書卷第十五

唐書十五 憲宗下

三